



Broj: 04-16-7-21-28/20
Sarajevo, 16.12.2020. godine

Na osnovu člana 64. stav (1) tačka b) Zakona o javnim nabavkama Bosne i Hercegovine („Sl. glasnik BiH“, broj: 39/14), a u vezi sa članom 45. stav (1) tačka a), c) i d) Zakona o javnim nabavkama, te člana 8. Zakona o Agenciji za rad i zapošljavanje Bosne i Hercegovine („Službeni glasnik BiH“, br.21/03 i 43/09), direktor Agencije za rad i zapošljavanje Bosne i Hercegovine, donio je

ODLUKU o poništenju Odluke o prihvatanju ponude i dodjeli ugovora

Član 1.

Isključuje se iz postupka javne nabavke kompjuterske opreme ponuđač „ITD“ d.o.o. Sarajevo, kome je Odlukom broj: 04-16-7-21-24/20 od 03.12.2020. godine dodijeljen Ugovor za javnu nabavku kompjuterske opreme, ponuda broj: 2356/2020 od 30.11.2020. godine jer ponuđač nije u ostavljenom roku od 5 dana dostavio dokaze u cilju dokazivanja činjenica potvrđenih u Izjavi o ispunjenosti uslova iz člana 45. stav (1) tačka a), c) i d) ZJN radi zadovoljavanja minimuma kvalifikacionih uslova: Lična sposobnost, kako je to zatraženo tačkom 12.2. Tenderske dokumentacije, broj: 04-16-7-21-16/2020 od 17.11.2020. godine.

Član 2.

Ugovor za javnu nabavku robe, kompjuterskog materijala se dodjeljuje slijedećem najpovoljnijem ponuđaču, „IMTEC“ d.o.o. Sarajevo, ponuda broj: 271120/20-2, za ponudenu cijenu od 28.995,00 KM bez uračunatog PDV-a, odnosno 33.924,15 KM sa uračunatim PDV-om.

Član 3.

Ova odluka objavit će se na web-stranici Agencije istovremeno sa upućivanjem ponuđaču koji je učestvovao u postupku javne nabavke, u skladu s članom 70. stav 6. Zakona o javnim nabavkama Bosne i Hercegovine.

Član 4.

Ova odluka stupa na snagu danom donošenja, a istom se stavlja van snage odluka o prihvatanju ponude broj: 04-16-7-21-24/20 od 03.12.2020. godine.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 04-16-7-21-1/20 od 12.10.2020. godine. Javna nabavka je provedena putem konkurentskog sporazuma.

Procijenjena vrijednost javne nabavke iznosi do 29.059,83 KM, bez uključenog PDV-a.

Obavještenje o javnoj nabavci, kao i tenderska dokumentacija su objavljeni na portalu „e- nabavke“.

Nakon isteka roka blagovremeno su pristigle 2 ponude: „ITD“ d.o.o. Sarajevo i „IMTEC“ d.o.o. Sarajevo.

Nakon provedenog postupka javne nabavke, primjenom kriterija „najniža cijena“ izabran je ponuđač „ITD“ d.o.o. Sarajevo po ponuđenoj cijeni od 28.941,00 KM, bez uključenog PDV-a, odlukom broj: 04-16-7-21-24/20 od 03.12.2020 godine. Ponuđač je o istom obaviješten i bio je dužan u skladu sa tačkom 12.2. dostaviti dokaze o ličnoj sposobnosti.

Kako ponuđač nije postupio u skladu sa navedenom obavezom ugovorni organ je diskvalifikovao ponuđača i ugovor o javnoj nabavci kompjuterske opreme dodijelio drugom ponuđaču, kako je to navedeno u članu 2. ove Odluke.

PRAVNA POUKA: Protiv ove Odluke može se izjaviti žalba , najkasnije u roku od 5 dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa, u pisanoj formi direktno ili preporučenom poštanskom pošiljkom.

Dostaviti:

-Ponuđaču

-Komisiji za javne nabavke

-Odsjeku za računovodstvene poslove

-a/a

